

\*Ŝtofo ANST 1 Ĉia teksaĵo por ia ajn uzo: *lana, silka, kolona* ~o; *or* ~o (= brokato); *blankaj, ruĝaj k bluj* ~oj *pendis sur marmoraj kolonoj* z; (f) *la* ~o, *el kiu estas farataj la sonĝoj*. 2 (Arkaismo) Materialo. 3 (Arkaismo) Histo. Sub~o. Ia ~o, ordinare malpeza, supla k glata, kiun oni kudras sur la interna flanko de vesto. Sub~1 (tr). Provizi per sub~o: *sub~i kimonon*.

\*Ŝtopi ALD 4. Plenigi truon en ŝtofo (precipe trikoto), interkrucigante faden-

ojn aŭ farante densajn randkudrerojn ĉirkaŭ la truo ĝis plenigo: ~i *ŝtrumpojn*. Kp FLIKI, TEKSI.

Ŝunto <. Paralela konekto de rezistilo, uzata por mezuri kurentojn. ~1 (tr). Derivi kurenton per flanka kondukilo.

Ŝutro 𐀓. Kunaĵo el tabuloj aŭ platoj, adaptita al fenestro k povanta ĝin kovri, ekstere aŭ interne, per alkrodiĝo, malfaldiĝo aŭ turniĝo sur ĉarniroj, por ĝin ŝirmi kontraŭ ŝtelistoj, taglumo ktp.

## T

\*Tabelo ALD 3 (H). Ŝtona, argila aŭ vakstegita ligna tabuleto, uzata de antikvuloj, por skribi sur ĝi per grifelo: *li skribis sur la ~oj la vortojn de la interligo* z; *enskribu la vizion k desegnu bone sur la ~oj, por ke la leganto povu facile tralegi* z; (f) *skribu ilin sur la ~o de via koro* z.

tabloĵdo 𐀓. Farmacia plata pastelo: *aspirina* ~o. Kp LOZANĜO.

tajfuno (Me). Fortega uragano, kiu okazas en la ĉinaj maroj precipe inter Majo k Novembro.

\*Tajloro ALD ~kostumo. Virina vesto, konsistanta el jaketo k jupo, laŭ vireca fasono, sen faldoj k plisoj.

tajpi (tr). Skribi tekston per maŝino: ~i *sian korespondadon*; *via ~ado estas tro hakata*; ~istino, *steno* ~istino.

taksilo. Luebla, per taksimetro provizita aŭtomobilo, sub dispono de la publiko.

taksimetro 𐀓. Aŭtomata aparato, kunligita al taksio aŭ ŝtako, k montranta la ŝuldatan veturpagon je ĉiu momento.

Takto ANST 1 Ĥ Nombro k valoro de la tempoj en mezuro; ritmo de la mezuro: *observi, bati la* ~on; ~o *de valso, de menueto*; *promenadi laŭ la* ~o *de tamburo* z; *ĉu vi ne havas ideon pri* ~o, *ke vi kantas kiel sovaĝuloj* z? 2 Ĥ Mezur-  
o 5: *ŝi eraris, forlasadis tutajn ~ojn* z. 3 Regula intermita... (ktp kiel en la primitiva artikolo). ~a. Karakterizita per ~o: ~a *marŝado*; *laŭ via mon'*

*mezuru vian veston, sed ĉio estu* ~a *k konvena* z; *sen~aj personaj atakoj* z. ~ero. Ĥ Tempo 7. ~obastono. Bastono, kiun uzas kondukanto de orkestro, por bati la ~on. ~omezurilo. Metronomo. ~osigno Ĥ. Frakcio, indikanta la ~on k montranta per la supra cifero la nombron de la tempoj, per la suba ilian daŭron. ~ostreko Ĥ. Vertikala streko, apartiganta la mezurojn.

talanto (Bb). Talento 1 k 2.

taluso. 1 Deklivo donita al fosajo, tranĉeo aŭ terplenigaĵo. 2 Artefarita altaĵo el tero aŭ rokaĵoj, sur kiu pasas vojo aŭ fervojo tra valo aŭ tra malalta loko. ~1 (ntr). Konstrui ~on.

Tamtamo ANST 1 Ĥ Indigena tamburego en Afriko, Hindujo k Ĉinujo, ordinare frapata per la manoj. 2 = Gongo. ~1 (ntr). 1 Sonigi ~on. 2 (f) Brue reklami (Kp DISTRUMPETI).

Tangento ANST 𐀓. 1 En trigonometria cirklo (t.e. cirklo, kies radiuso estas rigardata kiel unuo), parto de la tanganto, ekde la origino de arko ĝis la renkontiĝo kun la sekanto de tiu arko. 2 En orta triangulo, kvociento de la apuda latero de unu el la akutaj anguloj per la kontraŭa latero; proporcio inter la sinuso k la kosinuso de angulo.

tangi (tr). 1 𐀓 (p.p. linio k ebena) Tuŝi kurbon aŭ kurban surfacon en ununura punkto. 2 Tuŝeti, apenaŭ tuŝi, esti tute proksima al io: ~i *la morton*. ~anto 𐀓. Rekta linio, kiu ~as cirklon